



08054

大事記解題卷十一

宋呂祖謙撰

郡後學胡鳳丹月樵校梓

漢孝景皇帝二年令天下男子二十始傅

解題曰顏師古曰舊法二十三今此二十更為異

制也傅讀曰附

春三月甲寅立皇子德為河間王闕為臨江王餘為

淮陽王非為汝南王彭祖為廣川王發為長沙王

解題曰按五宗世家德闕皆栗姬子也餘非皆程

姬子也彭祖賈夫人子也發唐姬子也榮乃栗姬

卷十一

大事記解題

一

退補齋藏板

長子而不立者將建儲故也河間國都樂成今河

間府樂壽縣臨江國都江陵今江陵府淮陽國都

陳今陳州宛丘縣汝南國都平輿今蔡州平輿縣

廣川國都信都今冀州信都縣長沙國都臨湘今

潭州長沙縣

六月丞相故安節侯申屠嘉薨

解題曰自嘉之死漢相之威權遂奪矣御史大夫

雖副貳丞相之官今鼂錯為之陶青特充位而已

體統不正蓋自此始

秋與匈奴和親

解題曰脩去年代下之約也

八月丁未以御史大夫開封侯陶青為丞相

解題曰按史記列傳自申屠嘉死之後景帝時開

封侯陶青桃侯劉舍為丞相徐廣曰陶青高祖功臣陶舍之子也諡夷

劉舍本項氏親也賜姓劉氏及今上謂武帝也時栢至

父襄佐高祖有功舍諡哀侯侯許昌徐廣曰高祖功臣許溫之孫諡哀侯平棘侯薛澤徐廣曰高祖功臣

平棘節侯薛澤薛澤之孫武彊侯莊青翟徐廣曰高祖功臣莊不識之孫高

陵侯趙周徐廣曰周父夷吾為楚王戊太傅爭而死之等為丞相皆以

卷十一

大事記解題

二

退補齋藏板

列侯繼嗣妮妮音七角反廉謹為丞相備員而已無所

能發明功名有著於當世者

彗星出東北雨雹於衡山熒惑逆行守北辰月出北

辰間歲星逆行天庭中

解題曰史記景帝紀載災異甚悉漢書皆畧之豈

非以既見五行志不復重出歟失其旨矣

漢孝景皇帝三年冬十月梁王武來朝詹事竇嬰以

病免太后除嬰門籍

解題曰按史記梁孝王世家二十五年復入朝是

時上未置太子也上與梁王燕飲嘗從容言曰千秋萬歲後傳於王王辭謝雖知非至言然心內喜太后亦然其春吳楚齊趙七國反皇太后皇后太子各置詹事是時竇嬰必爲太后詹事故於母子燕飲之際得以舉罰爵也嬰雖免官猶以外戚通門籍竇太后惡正論故併與門籍除之褚先生曰臣爲郎時聞之於宮殿中老郎吏好事者稱道之也竊以爲今梁孝王怨望欲爲不善者事從中生今太后女主也以愛少子故欲令梁王爲太子梁

卷十一

大事記解題

三

退補齋藏板

王上有太后之重驕蹇日久數聞景帝好言千秋萬世之後傳王而實不行大臣不時正言其不可狀阿意治小私說意以受賞賜非忠臣也苟如魏其侯竇嬰之正言也何以有後禍

楚王戊來朝削其東海郡

解題曰按世家戊立二十年冬坐爲薄太后服私

姦削東海郡春戊與吳王合謀反

削吳王豫章會稽郡吳王濞楚王戊趙王遂膠西王卬濟南王辟光菑川王賢膠東王雄渠反南連越北

連匈奴吳楚圍梁膠西濟南菑川膠東圍齊帝以中尉周亞夫爲太尉將三十六將軍擊吳楚故詹事竇嬰爲大將軍屯滎陽曲周侯酈寄擊趙將軍欒布救齊赦天下斬御史大夫鼂錯以謝七國周亞夫壁昌邑南以梁委吳而絕其糧道二月吳楚食盡引去亞夫追擊大破之楚王戊自殺三月東越斬吳王濞於丹徒欒布敗諸侯兵解齊圍齊王將聞自殺膠西王卬濟南王辟光菑川王賢膠東王雄渠皆伏誅立齊太子壽爲齊王夏六月乙亥徙淮陽王餘爲魯王汝南王非爲江都王立子端爲膠西王勝爲中山王宗正禮爲楚王秋九月酈寄欒布滅趙趙王遂自殺

卷十一

大事記解題

四

退補齋藏板

解題曰按史記本紀吳王濞楚王戊趙王遂膠西王卬濟南王辟光菑川王賢膠東王雄渠反發兵西鄉天子爲誅鼂錯遣袁盎論告不止遂西圍梁上乃遣大將軍竇嬰太尉周亞夫將兵誅之漢書本紀則曰吳王濞膠西王卬楚王戊趙王遂濟南王辟光菑川王賢膠東王雄渠皆舉兵反大赦天下遣太尉亞夫大將軍竇嬰將兵擊之斬御史大

夫晁錯以謝七國二月壬子晦日有蝕之諸將破
七國斬首十餘萬級遣斬吳王濞於丹徒膠西王
卬楚王戊趙王遂濟南王辟光菑川王賢膠東王
雄渠皆自殺合二紀而觀之敘次之先後去取之
詳略孰優孰劣必有能辨之者矣吳王遺諸侯書
曰吳王劉濞敬問膠東王膠西王菑川王濟南王
趙王楚王淮南王衡山王廬江王故長沙王子如
曰吳芮後四世無子國除庶子二人爲列侯不得嗣王志將不滿故誘與之反也幸教寡
人以漢有賊臣無功天下侵奪諸侯地使吏劾繫

卷十一

大事記解題

五

退補齋藏板

訊治以僂辱之爲故不以諸侯人君禮遇劉氏骨
肉絕先帝功臣進任姦宄註亂天下欲危社稷陛
下多病志失不能省察欲舉兵誅之謹聞教諸侯未嘗
有此書吳王託爲之辭耳亦欲染汙之令其必反也齊王後悔背約北守濟北王城壞未完其郎中令劫守王不得發兵淮南王欲發兵應吳其相城守不聽臨江王弗聽而往來使越惟衡山王堅守
無二敝國雖狹地方三千里人雖少精兵可具五

十萬寡人素事南越三十餘年其王君皆不辭分

其卒以隨寡人又可得三十餘萬觀吳王旣敗度江走丹徒保東

越兵可萬餘人乃使人收聚亡卒則百越寡人雖
蓋亦分兵隨吳也但此書多張虛數也

不肖願以身從諸王自此以下部分諸國入寇之路也越直音長

沙者因王子定長沙以北西走蜀漢中告越是時長沙

定王已立長沙以北皆漢郡縣吳芮子孫雖有二

人為列侯實未嘗從吳南越亦未嘗實為吳用特

以此路無人入寇故張此虛聲耳顏師古曰王子

定長沙已北而西趣蜀及漢中平定以詔使報南

也楚王淮南三王與寡人西面本約如此淮南三

楚攻齊諸王與趙王定河間河內或入臨晉關或

與寡人會雒陽齊諸王謂膠東膠西菑川濟南也

不過差一二日直入武庫擊鳴鼓而吳亦燕王趙

欲會洛陽蓋形勢所在當時所共知也

王固與胡王有約燕王北定代雲中捕胡眾入蕭

關走長安燕王不反匈奴亦不肯入邊故趙獨受

圍使如吳王之約則關中腹背受敵亦難支

匡正天下以安高廟願王勉之楚元王子淮

南三王或不沐洗十餘年怨入骨髓賈誼不欲封

為是也楚元王子未嘗怨漢特誘之同反耳

欲一有所出之久矣寡人未得諸王之意未敢聽今諸王苟能存亡繼絕振

弱伐暴以安劉氏社稷之所願也敝國雖貧寡人

節衣食之用積金錢脩兵革聚穀食夜以繼日三十餘年矣凡皆為此於此可驗願諸王勉用之寡人金錢在天下者往往而有非必取於吳諸王日

卷十一 大事記解題 六

退補齋藏板

夜用之弗能盡有當賜者告寡人寡人且往遺之

敬以聞七國反書聞天子天子乃遣太尉條侯周

亞夫將三十六將軍往擊吳楚遣曲周侯酈寄擊

趙將軍樂布擊齊為齊地大將軍竇嬰屯滎陽監

齊趙兵監酈寄樂布兵也竇嬰與晁錯削諸侯地至是其言驗故用之且太后之親也

拜袁盎為太常吳王弟子德侯通為宗正及晁錯

已誅遣盜奉宗廟奉宗廟之命也太常掌宗廟者也宗正輔親戚

以親戚恩意曉告之也使告吳條侯將乘六乘傳會兵滎陽

調發郡縣兵皆竟趨滎陽周亞夫特乘傳舍之而已此古者發兵之常也左傳楚子乘駟會師于臨

卷十一 大事記解題 七

品是也亞夫既發至霸上趙涉遮說亞夫曰涉賤無因至前

故遮說亞夫與三老董公遮說漢王同高帝之滅項氏亞夫之定七國其謀乃出於道旁一夫之言

則人才豈有窮哉吳王素富懷輯死士久矣此知將軍且

行必置間人於殺黽阨陘之間此入函谷關正路也且兵事

上神密將軍何不從此右去走藍田此奇道也顏師古曰右謂

少西去也出武關抵雒陽間不過差一二日顏師古曰謂右去行

遲止一日也直入武庫擊鳴鼓諸侯聞之以為將軍從

天而下也桓將軍說吳王即此策也太尉如其計至雒陽使吏

搜殺黽間果得吳伏兵乃請涉為護軍太尉乘傳

退浦齋藏板

車將至河南得劇孟喜曰七國反吾乘傳至此不

自意全

兵皆會於滎陽故至雒陽尚乘傳未有兵眾也

又以爲諸侯已得

劇孟劇孟今無動

袁盎曰吳安得豪傑而誘之誠令吳得

豪傑亦且輔王爲義不識事勢者也當是

時漢豈可動哉此劇孟所以不爲吳用也

吾據

滎陽滎陽以東無足憂者

桓將軍詭吳王曰吳多步兵步利險漢多車騎

車騎利平地大王徐行留入梁楚之郊事敗矣滎陽

下城邑漢車騎至馳至以東卽梁楚之郊矣

淮陽問父絳侯故客鄧都尉曰策安出客曰吳兵

銳甚難與爭鋒楚兵輕不能久方今爲將軍計莫

若引兵東北壁昌邑以梁委吳吳必盡銳攻之將

卷十一

大事記解題

八

退補齋藏板

軍深溝高壘使輕兵絕淮泗口塞吳餉道彼吳梁

相敵而糧食竭乃以全強制其罷極破吳必矣條

侯曰善從其策

吳楚先擊梁棘壁殺數萬人梁孝王城守睢陽而使韓安國張羽等

爲大將軍以距吳楚吳楚以梁爲限不敢過而西太尉既會兵滎陽吳方攻梁梁急請救太尉引兵

東北走昌邑深壁而守而使輕騎兵弓高侯絕吳楚兵後食道

子聞吳率失職諸侯願責先帝之遺約今漢親誅

其三公以謝前過

枚乘吳人也其言若此則七國之眾皆不直其上矣

王還兵疾歸尙得十半不然漢知吳之有吞天下

之心也赫然加怒遣羽林黃頭循江而下

蘇林曰羽林黃

頭郎習水戰者也顏師古襲大王之都魯東海絕曰鄧通以權船為黃頭郎

吳之饒道梁王飭車騎習戰射積粟固守以備榮

陽待吳之飢大王雖欲反都亦不得已夫王淮南

之計不負其約晉灼曰吳楚反齊王殺身以滅其

皆守約不從也跡以乘之言考之則樂布之解齊圍齊王之自殺

在吳未敗之前史記漢書皆敘於吳敗之後者

特先敘吳事四國不得出兵其郡晉灼曰膠東膠

次敘齊事耳趙囚邯鄲應劭曰漢將酈寄圍趙此不可掩亦

已明矣大王已去千里之國而制於十里之內矣

張韓將北地如淳曰張羽韓安國也顏師古曰

將北地者言將兵而處吳軍之北以

距吳弓高宿右左服虔曰韓兵不得下壁軍不得

大息臣竊哀之願大王熟察焉吳王不用乘策二

月中吳王兵既破敗走於是天子制詔將軍曰蓋

聞為善者天報之以福為非者天報之以殃高皇

帝親垂功德建立諸侯幽王悼惠王子絕無後孝文

皇帝哀憐加惠王幽王子遂悼惠王子卬等卬不

諸齊王中年長好氣喜兵諸齊皆令奉其先王宗

憚畏吳王身自為使結之者也廟為漢藩國吳王濞倍德反義誘受天下亡命罪

人亂天下法稱病不朝二十餘年有司數請濞罪

卷十一

大亭記解題

九

退補齋藏板

孝文皇帝寬之欲其改行爲善今乃與楚王戊趙

王遂膠西王卬濟南王辟光菑川王賢膠東王雄

渠約從反爲逆無道起兵以危宗廟賊殺大臣諸國

各殺其大臣如楚殺張尙趙殺夷吾趙殺建德王憚是也及漢使者迫劫萬民

天殺無罪燒殘民家掘其邱冢甚爲暴虐今卬等

又重逆無道燒宗廟謂高祖孝文廟鹵御物如涓

抄掠也宗廟在郡朕甚痛之朕素服避正殿將軍

其勸士大夫擊反虜者深入多殺爲功斬首捕虜

比三百石以上者皆殺之無有所置敢有議詔及

卷十一 大事記解題 十

退補齋藏板

不如詔者皆腰斬景帝資深刻而學申韓故其詔如此太史公曰吳

王之王由父省也能薄賦斂使其眾以擅山海逆

亂之萌自其子興爭枝發難卒亡其本親越謀宗

竟以夷隕晁錯爲國遠慮禍反近身袁盎權說初

寵後辱故古者諸侯地不過百里山海不以封毋

親夷狄以疏其屬蓋謂吳邪毋爲權首反受其咎

豈盜錯邪皇極經世書七國平梁孝王霸有東土

按梁孝王世家吳楚破而梁所破殺虜略與漢中

分梁最親有功又爲大國居天下膏腴地以其餘

城築東苑方三百餘里廣睢陽城七十里得賜天子

旌旗招延四方豪傑自山以東游說之士莫不

至畢

賜民爵一級

解題曰以七國平故也

漢孝景皇帝四年春復置諸關用傳出入

解題曰應劭曰文帝十一年除關無用傳至此復用傳以七國新反備非常

夏四月己巳立子榮爲皇太子徹爲膠東王

解題曰榮景帝長子也徹武帝也按五宗世家景帝子凡十三人爲王而母五人同母者爲宗親栗

卷十一

大事記解題

十一

退補齋藏板

姬子曰榮德闕王姬子曰餘非端賈夫人子曰彭

祖勝唐姬子曰發王夫人兒姁子曰越寄乘舜獨

不數武帝者承宗廟大統故不別而爲宗也

武帝母王

太后乃王夫史記帝紀書立太子而不著名蓋言

人兒姁之姊榮長子當主七鬯天下所共知不待名也

六月赦天下賜民爵一級

解題曰以立太子故也

徙汝南王非爲江都王賜梁王武汝南王非天子旌

旗

解題曰按世家江都易王非以孝景前二年用皇子爲汝南王吳楚反時非年十五有材力上書願擊吳景帝賜非將軍印擊吳吳已破徙爲江都王治吳故國以軍功賜天子旌旗梁孝王亦以破吳有功故有是賜景帝之意不過假至親光寵以鎮服南方耳然天子旌旗豈假人之具哉二王卒皆驕縱或累其親梁孝王或殺其子江都王子建立爲王佩其父所賜將軍印戴天子旗以出淮南事發治其罪頗及江都王建遂自殺蓋愛之者非其道也

卷十一

大事記解題

十一

退補齋藏板

秋七月臨江袁王闕夢無後國除

解題曰自七國平後諸侯有名而無實其始終皆

不載有故則書闕之書夢以無後國除故

後九月更以弋陽爲陽陵

解題曰景帝壽陵也屬左馮翊

徙衡山王勃爲濟北王廬江王賜爲衡山王

解題曰處勃於爽塏以賞其貞信徙賜於江北以

防其交通其名雖異然大意不欲淮南諸子近越

耳淮南王安所以不徙者以地不與越接故也淮南

王安諫伐闕越書曰不習南方地形者多以越爲人眾兵強能難邊城淮南全國之時多爲邊吏臣切聞之與中國異以此考之則淮南不與越接可知矣

漢孝景皇帝五年冬十月戊戌晦日有食之

解題曰本紀書於四年末蓋太初以正月爲歲首之後所追記也班氏因其誤而失於釐正耳今移於五年之首中四年末本紀又書十月戊午日有食之亦誤也

夏五月丁卯封長公主子蟜爲隆慮侯

解題曰按年表長公主嬖子也嬖竇太后女景帝

卷十一

大事記解題

三

退補齋藏板

諸美人皆因長公主見栗姬太子榮之斥王皇后武帝之立長公主有力焉史記本紀特書其子封侯以著其權寵也漢書削之

遣公主嫁匈奴單于

解題曰自高帝以來以宗室女名之公主嫁匈奴非帝女也

漢孝景皇帝六年秋九月皇后薄氏廢

解題曰兩漢廢后自此始

後九月伐馳道樹填蘭池

解題曰列樹以表道古制也伐之非矣填蘭池雖不知其故然塞池以爲陸豈小役哉春秋書毀泉臺穀梁氏以爲自古爲之今毀之不如勿處而已矣正此意也史記載於本紀所以譏景帝廢古制勞民力漢書削之

漢孝景皇帝七年冬十月梁王武來朝

解題曰按漢興以來諸侯年表是年太子榮廢爲王梁孝王來朝乃梁孝王之二十九年也本傳曰二十九年十月梁孝王入朝景帝使使持節乘輿

卷十一

大事記解題

函

退補齋藏板

駟馬迎梁王於闕下既朝上疏因留以太后親故王入則侍景帝同輦出則同車游獵射禽獸上林中梁之侍中郎謁者著籍引出入天子殿門與漢宦官無異十一月上廢栗太子竇太后心欲以孝

王爲後嗣大臣及袁盎等有所闕說於景帝竇太

后議格亦遂不復言以梁王爲嗣事由此以事秘

世莫知

史記漢書皆云事秘世莫知則褚先生所載竇太后安車大駕一語袁盎等論諫之意皆世俗

乃辭歸國

褚先王曰諸侯王朝見天子漢法凡當四見耳始到入小

意之耳見到正月朔旦奉皮薦璧玉賀正月法見後三日爲王置酒賜金錢財物後二日復入小見辭去凡

留長安不過二十日小見者燕見於禁門內飲於省中非士人所得入也今梁王西朝因留日半歲人與人主同輦出與同車示風以大言而實不與令出怨言謀畔逆乃隨而憂之不亦過乎非大賢人不知退讓今漢之儀法朝見賀正月者常一王與四侯俱朝見十餘歲一至今梁王常比年入朝見久留鄙語曰驕子不孝非惡言也

十一月乙丑廢皇太子榮爲臨江王

解題曰史記本紀書廢栗太子繫以母姓者言由母失寵而廢也按寶嬰傳四年立栗太子以嬰爲傅七年栗太子廢嬰爭弗能得謝病屏居藍田南山下數月諸寶賓客辨士說莫能來梁人高遂乃

卷十一

大事記解題

五

退補齋藏板

說嬰曰能富貴將軍者上也能親將軍者太后也今將軍傅太子太子廢爭不能得又不能死自引謝病擁趙女屏間處而不朝祇加懟自明揚主之過有如兩宮喪將軍則妻子無類矣嬰然之乃起朝請如故嬰守節不終雖有愧於張湛然猶知保傅之職者也

中尉衛綰免以濟南太守郅都代之

解題曰按列傳詔綰擊吳楚有功拜爲中尉

中尉掌治

左右宗室

外戚者也景帝廢太子誅栗卿之屬

如淳曰栗氏親屬也卿其

名上以爲縮長者不忍乃賜縮告歸而使郅都代

捕栗氏酷吏傳曰是時民朴畏罪自重而都獨先

嚴酷敢行法不避貴戚使王信等有罪都敢行法乎所謂不避貴戚者特外

揚此聲耳傳序云道之以政齊之以刑民免而無

恥道之以德齊之以禮有恥且格老氏稱上德不

德是以有德下德不失德是以無德法令滋章盜

賊多有太史公曰信或言也法令者治之具而非

制治清濁之源也昔天下之綱常密矣然奸偽

萌起其極也上下相遁至於不振當是之時吏治

若救火揚沸非武健嚴酷惡能勝其任而愉快乎

言道德者溺其職矣故曰聽訟吾猶人也必也使

無訟乎下士聞道大笑之非虛言也漢興破觚而

爲圓斷形而爲朴繩漏於吞舟之魚而吏治烝烝

不至於奸黎民又安由是觀之在彼不在此至高

后時酷吏獨有侯封刻轢宗室侵辱功臣呂氏已

卷十一

大事記解題

六

退補齋藏板

敢遂禽侯封之家考景時晁錯以刻深頗用術輔其資而七國之亂發怨於錯錯卒以被戮其後有郅都甯成之屬

夏四月乙巳立膠東王太后王氏爲皇后丁巳立膠

東王徹爲皇太子

解題曰景帝在而稱太后者妾賤不敢體至尊故

繫於其子之國而稱太后也史記本記先書立膠

東王太后爲皇后次書立膠東王爲太子其書法

可謂正矣班氏書立皇后王氏第循常例而已

以故中尉衛綰爲太子太傅

解題曰按本傳上立膠東王爲太子召縮拜爲太子太傅景帝欲治栗氏則以縮爲非擊斷之才而免之既立太子則又以縮爲醇謹而爲太子太傅豈非竊取孔子論孟公綽之意乎然人固有貌似而不同者縮特醇謹無他耳非文帝用萬石君東陽侯之比也

漢孝景皇帝中元年

解題曰爲立太子而改元也

夏四月赦天下賜民爵一級

卷上

大事記解題

七

退補齋藏板

解題曰亦爲立太子而下也史記本紀書除禁錮蓋常赦所不及也

封故御史大夫周苛孫平爲繩侯故御史大夫周昌子左車爲安陽侯

解題曰錄忠臣繼絕世也

原都兩霍大者尺八寸

解題曰失其地

漢孝景皇帝中二年春二月定諸侯薨葬立嗣之制解題曰始爲定制因以抑損之也按本紀令諸侯

王薨列侯初封及之國大鴻臚奏謚誅策列侯薨

及諸侯太傅初除之官大行奏謚誅策謚為之定謚也誅若

哀公誅孔子之類是也策哀策也皆死者之事也

若列侯及諸侯太傅封拜則止用策書命之列侯

曰初封又曰之國諸侯太傅曰初除又曰之官蓋

兩策命之也諸侯王初封本紀雖不載用何官策

命以二王世家考之則用御史大夫也顏師古曰

大鴻臚者本名典客後改曰大鴻臚行令者本名

行人即典客之屬官也後改曰大行令故事之尊

重者遣大鴻臚馬百官公卿表乃云景帝中六年

更名典客為大行令武帝太初元年更名大行

令為大鴻臚更名行人為大行令當是表誤

王

薨遣光祿大夫弔襚祠賄視喪事因立嗣子

漢初立諸侯王所遣之官甚重如惠帝時齊悼惠王薨至遣

留侯立其嗣子其重可知矣今止遣光祿大夫蓋

抑損之也列侯薨遣太中大夫弔祠視喪事因立嗣

大夫又降光祿大夫一等也其薨葬國得發民輓喪穿復土治

墳無過三百人畢事輓喪謂引喪車也穿謂穿墳中也復土謂既揜墳而復土也治墳謂既復土而築冢及雜役也此四事者每

事不過二百人也畢事毋得過三百人未畢也方未定制之時豈惟隨諸侯喪葬僭侈調發無度雖

匈奴入燕

列侯之不驕者亦未必不過此數也七國既平正節以制度之時但不當懲艾太過反啓後害耳如此事則當節者也

解題曰按史記匈奴入燕遂不和親

三月臨江王榮下中尉府自殺國除

卷十一 大事記解題 六 退補齋藏板

解題曰按史記本紀召臨江王榮坐侵大宗廟地徵而漢書本紀乃書曰臨江王榮坐侵大宗廟地徵諸中尉自殺史記所以不書所坐者蓋指此特姑爲之名其實召來使酷吏殺之耳班氏乃用他諸侯貢有罪例亦何所發明哉景帝深刻少恩旣已廢榮而又必欲殺之郅都敢直諫雖非可授以風指者然龔厲庸暗如鷹犬唯主所用苟下之中尉府則都治之必不遺力帝固知其可使也竇太后聞之怒以危法中都雖暫免歸景帝復拜爲雁門

卷十一

大事記解題

五

退補齋藏板

太守匈奴至爲偶人象郅都令騎馳射莫能中見憚如此匈奴患之竇太后乃竟中都漢法景帝曰都忠臣欲釋之竇太后曰臨江王獨非忠臣邪於是遂斬郅都觀此則景帝之情可見矣漢書作匈奴患之乃中都漢法非也是時帝方眷都使匈奴問之何必曰太后哉惟太后中都以漢法故帝不能救也史記大事記又書臨江王徵自殺葬藍田燕數萬爲銜土置冢上其逆天理悖人心志壹之動氣至於如此

秋七月更郡守爲太守郡尉爲都尉

解題曰守之加太尉之加都皆隆其名也是時方收諸侯之權隆此所以殺彼也

梁王武使人刺殺故楚相袁盎詣闕謝罪

解題曰按史記漢書列傳齊人公孫詭多奇邪計初見王賜千金官至中尉梁號之曰公孫將軍梁內史缺孝王新得公孫詭說之欲請以爲內史竇太后聞乃詔王以韓安國爲內史竇太后驕寵梁太后聞乃詔王以韓安國爲內史孝王以養成其釁始與鄭武姜寵叔即向利然觀其自用韓安國爲內史之意則猶有調護不陷於叛逆此鄭武姜所不能及也公孫詭與羊勝說孝王求爲帝太子及益

卷十一

大事記解題

三

退補齋藏板

地事上立膠東王爲太子梁王怨袁盎及議臣乃與公孫詭羊勝之屬陰使人刺殺袁盎及他議臣十餘人刺者至關中間袁盎諸君譽之皆不容口乃見袁盎曰臣受梁王金來刺君君長者不忍刺

君然後刺君者十餘曹備之梁刺客後曹輩果遮

刺殺盜安陵郭門外吳楚已破上以袁盎爲楚相

不事事鬪雞走狗袁盎雖家居景帝時時使人問

籌策梁王武求爲嗣袁盎進說其後語塞梁王以此怨刺之置其劔劔著身視其劔新治問長安中

削厲工工曰梁郎某子來治此劔以此發覺景帝

遂聞詭勝等計畫乃遣使捕詭勝必得內史韓安

國聞詭勝匿孝王所入見王泣請死王曰何至此

觀此言則驕安國泣數行下曰大王自度於皇帝

朕之狀可見孰與太上皇之與高皇帝及皇帝之與臨江王親

孝王曰弗如也安國曰夫太上臨江親父子之間

然而高帝曰提三尺劍取天下者朕也故太上皇

終不得制事居于櫟陽臨江王適長太子也以一

言過廢王臨江如滄曰景帝嘗屬諸姬太子母栗

用宮垣事卒自殺中尉府語曰雖有親父安知其

卷十一

大事記解題

三

退補齋藏板

不爲虎雖有親兄安知其不爲狼今太王犯上禁

撓明法太后日夜涕泣幸大王自改而大王終不

覺寤有如太后宮車卽晏駕大王尙誰攀乎若詭勝不

出則景帝窮治日急太后憂懣日深母子兄弟之間皆不能全矣韓安國所言皆實事非爲危語以

恐動孝王也王乃令詭勝皆自殺出之梁王始與詭勝

有謀鄒陽爭以爲不可故見讒枚先生嚴夫子皆

不敢諫及梁事敗詭勝死孝王恐誅乃思陽言深

辭謝之齋以千金令求方略解罪於上者陽素知

齊人王先生年八十餘多奇計卽往見語以其事

王先生曰難哉人主有私怨怒而欲施必行之誅誠難解也以太后之尊骨肉之親猶不能止况臣下乎昔秦始皇有伏怒於太后羣臣諫而死者以十數得茅焦爲廓大義始皇非能說其言也乃自強從之耳茅焦亦僅脫死如毛麓耳故事所以難者也今子欲安之乎陽曰鄒魯守經學齊楚多辯知韓魏時有奇節吾將歷問之王先生曰子行矣還過我而西鄒陽行月餘莫能爲謀還過王先生曰臣將西矣爲如何王先生曰吾先曰欲獻愚計

卷十一

大事記解題

三

退補齋藏板

以爲眾不可蓋竊自薄陋不敢道也若子行必往見王長君士無過此者矣鄒陽發寤於心曰敬諾辭去不過梁徑至長安因容見王長君長君者王美人兄也通鑑作王皇后兄是時皇后正位已久不應謂之美人所謂美人蓋指王皇后兒姁也妹王夫人鄒陽留數日乘間而請曰竊聞長君弟得幸後宮天下無有然則王皇后之立不惟善智數工交結亦其世有寵之助也而長君行迹多不循道理者令袁盎事卽窮竟

梁王恐誅如此則太后怫鬱泣血無所發怒切齒側目於貴臣矣理誠如此非劫之也長君誠能爲上言之得

毋竟梁事長君必因自結於太后魯公子慶父使

僕人殺子般獄有所歸季友逆探其情而誅焉觀此

則詭勝自殺之後景帝之怒尚未解也慶父親弑閔公季子緩追逸

賊春秋以為親親之道也魯哀姜薨于夷孔子曰

齊桓公法而不譎以為過也以是說天子微幸梁

事不奏長君曰諾乘間入而言之是時文吏窮反

端頗見太后不食日夜泣不止景帝甚憂之問公

卿大臣大臣以為遣經術吏往治之乃可解於是

遣田叔往治之然後得釋因上書請朝五峯胡氏曰叔悉燒

卷上

大事記解題

三

退補齋藏板

梁獄詞空手來見可謂善處人子母兄弟之間者也漢景忌刻之君也而能賢田叔有過人之聰明越人之度量者何歟以太后在上不敢肆故也天理存亡在敬肆之間耳孔子作春秋必記災異警乎人君萬世不易也梁世家云詭勝自殺上由此怨望於梁王梁王恐乃使韓安國因長公主謝罪太后然後得釋此乃安國為梁使時事至於殺詭王從安國諫殺詭勝漢使還報梁事皆得釋當以此為證

漢孝景皇帝中三年冬十一月罷諸侯御史大夫官

解題曰顏思古曰所以抑損其權

十二月匈奴徐盧等七人降皆封為列侯

解題曰外國歸義封者始於文帝世弓高襄成兩

侯二人者皆韓王信子孫本皆中國之人能自拔於匈奴率其眾復歸中國封之不爲過也彼徐盧等本匈奴酋長景帝乃欲侯之以勸後丞相亞夫之議雖若迂濶其用意則遠矣景帝所以顯沮之者以向者引正義止后兄王信之封無辭以屈之故發憤於此也人主不敢專封爵必與大臣共之蓋古之成法景帝欲行其意而輕廢之此亞夫所以謝病也自是以後人主益行其意封爵紛然丞相亦不復以此爲職守矣

卷二

大事記解題

五

退補齋藏板

春三月丁巳封子乘爲清河王

解題曰按地理志清河王都清陽今恩州清河縣

夏四月旱禁酤酒

解題曰文帝詔曰爲酒醪以靡穀者多歲旱而禁

酒意蓋在此也

秋九月丞相周亞夫免以御史大夫桃侯劉舍爲丞

相

解題曰亞夫旣以守職忤意免代之者其選可知

矣

漢孝景皇帝中四年春三月作德陽宮

解題曰臣瓚曰是景帝廟也帝曰作之諱不言廟故言宮

秋赦徒作陽陵者

解題曰按本紀赦徒作陽陵者死罪欲腐者許之蓋以犯罪抵死者多故願就宮刑者特免其死也然則景帝作壽陵徒役之眾刑辟之煩亦可知矣赦有及天下者有及一方者有及一所者此赦止及陽陵一所他縣不與也

卷十一

大事記解題

三

退補齋藏板

漢孝景皇帝中五年冬十月戊午日有食之

解題曰本紀書於去年末今移於此說見前五年夏五月甲戌封皇后兄王信爲蓋侯

解題曰周亞夫免相既二年而王信始封侯公議之可畏如此

六月丁巳赦天下賜民爵一級大水

解題曰肆赦賜爵不知其由史記本紀書六月丁巳赦天下賜爵一級天下大潦然則恩霈或爲水

潦而下與

令諸侯王不得治國更名諸侯丞相爲相它官皆損其員

解題曰諸侯王旣不得治國則建空名於一國之上不爲士民所尊勢與富室亡異矣漢初諸侯王國置官一如天朝固僭擬太過今悉減黜之簡陋不復成邦與郡縣殆無以異也方是時懲艾七國之禍惟恐諸侯之不輕及王莽篡逆諸侯王厥角稽首奉上璽轂惟恐在後其兆實見於此是故爲治者以執中爲難按百官表諸侯王高帝初置金

卷十一

大事記解題

三

退補齋藏板

璽蓋綬

如涪曰蓋綠也綠爲盾蓋音盧

掌治其國有太傅輔王

內史治國民中尉掌武職丞相統眾官卿大夫都

官如漢朝景帝中五年令諸侯王不得復治國天子爲置吏改丞相曰相省御史大夫廷尉少府宗

正博士宮大夫謁者郎諸官長丞皆損其員

賈誼新書

曰諸侯王所在之宮衛織履躡夷以皇帝在所宮法論之郎中謁者受臚取告以官皇帝之法子之事諸侯王或不廉謹平端以事皇帝之法罪之曰一用漢事諸侯王乃事皇帝也推是則諸侯之王乃埒至尊也然則天子之與諸侯臣之與下宜撰然齊等若是乎天子之相號爲丞相黃金之印而尊無秩加二千石之上天子列卿秩二千石諸侯列卿秩二千石則臣已同矣人主登臣而尊臣今

既同則法惡得不齊天子衛御號爲太僕銀印秩二千石則御
二千石諸侯之御號曰太僕銀印秩二千石則御
已齊矣御既已齊則車飾具惡得不齊天子親號
曰太后親侯親號曰太后天子妃號曰后諸侯妃
號曰后然則諸侯何損而天子何加焉妻既已同
則夫何以異天子宮門曰司馬關入者爲城旦殿門俱爲殿門關
侯宮門曰司馬關入者爲城旦殿門俱爲殿門關
入之罪亦俱棄市宮牆門衛同名其嚴一等罪已
鈞矣天子之言曰令甲乙是也諸侯之言曰令
儀之言是也天子卑號皆稱陛下諸侯卑號稱陛
下天子車曰乘輿諸侯車曰乘輿乘輿等也衣被
次齊貢此經緯也苟工巧而志欲之唯冒上軼主
次也然則所謂主者安居臣者安在人之情不異
面日狀貌同類貴賤之別非人人天根著於容也所
恃以別貴賤明尊卑者等級勢力衣服號令也亂
且不息滑浸無紀天性則同人無別然則所謂
臣主者非有相臨之具尊卑之經也特面形而
膚之耳近習乎畫近貌然後能識則疏遠無所放

卷二

大事記解題

三

退補齋藏板

眾庶無以期則下惡能不疑其上孔子曰長民者衣
異等同服則下惡能不疑其上孔子曰長民者衣
服不二從容有常以齊其民則民德一詩云彼都
人士狐裘黃裳行歸于周萬民之望孔子曰爲上
可望而知也爲下可類而志也則君不疑於其臣
而臣不惑於其君而此之不行冰漬無界可謂長
太息者此也五宗世家贊曰高宗時諸侯皆賦得
自除內史以下漢獨爲置丞相黃金印諸侯自除
御史廷尉正博士擬於天子自吳楚反後五宗王
世漢爲置二千石去丞相曰相銀印諸侯獨得食
租稅奪之權其後諸
侯貧者或乘牛車也

秋九月詔諸獄疑輒讞之

解題曰按本紀詔曰法令度量所以禁暴止邪也

獄人之大命死者不可復生吏或不奉法令以貨

賂爲市朋黨比周以苛爲察以刻爲明令亡罪者
失職朕甚憐之有罪者不伏罪姦法爲暴甚亡謂
也諸獄疑若雖交致於法而於人心不厭者輒讞
之此詔則善矣然以苛爲察以刻爲明必有所自
不反其本而治其末雖勤無益也司馬子長不載
景帝諸詔其有以哉

漢孝景皇帝中六年冬十月梁王武來朝

解題曰按世家三十五年冬復朝年表中六年卽梁孝王之三十年
五年上疏欲留上勿許歸國六月中病熱六日卒

卷十二

大事記解題

三

退補齋藏板

既歸國六月而卒是以知其朝十月也自殺袁盎之後凡甫朝京師
其始也帝至與同車輦其後也上疏欲留勿許友
愛曰疏恩數日薄寵之既過而摧折之復驟斯其
所以憂死與

十二月改諸官名

解題曰按史記本紀更命廷尉爲大理百官表武帝建元四年

年復爲廷尉將作少府爲將作大匠主爵中尉爲都尉

百官表主爵中尉秦官掌列侯景帝中六年更名都尉武帝太初元年更名右扶風治內史右地按武帝元光四年竇嬰田蚡廷辨主爵都尉是魏其然則景帝雖改爲都尉至武帝世卽改爲右扶風

故記載尚仍舊名 **長信詹事** 為 **長信少府** 裴駮曰

志遂因之不改耳 百官表曰詹事秦官掌皇后太子家應劭曰詹省

也給也瓚曰茂陵書詹事秩二千石也張晏曰以太后所居宮為名長信宮則曰長

信少府長樂宮則曰長樂少府 **將行為大長秋**

裴駮曰案漢書百官表曰將 **大行為行人** 服虔曰天子死

行秦官應劭曰長秋皇后卿 天子死 未有益稱大行晉灼曰禮有大行小行生諡官故

以此名之瓚曰大行是官名掌九儀之制以賓諸

侯史記索隱曰鄭氏云命者五謂公侯 **奉常為太**

伯子男爵者四孤卿大夫士是九也 侯 **常**

典客為大行 裴駮曰案漢書百官表曰奉常秦

云大行官名秦時云典客景帝初改云大行後更

名大鴻臚武帝因而不改故漢書景紀有大鴻臚

百官表又云武帝改名大鴻臚臚附也以言其掌

四夷賓客若皮臚之在外附於身也復有大行令

故諸侯薨大鴻臚奏諡列侯薨則大 **治粟內史為**

行奏誅按大行令即鴻臚之屬官也 **大農**

裴駮曰按漢書百官表曰 **以大內為二千石**

治粟內史秦官掌穀貨也 **置左右內官屬大內** 韋昭曰大內京師府藏史記

卷十一

大事記解題

五

退補齋藏板

內小內即屬大內也

定鑄錢偽黃金棄市律

解題曰應劭曰文帝五年聽民私鑄律尚未除先

時多作偽金偽金終不可成而徒損費轉相誑耀

窮則起為盜賊故定其律也孟康曰民先時多作

偽金故其語曰金可作世可度損費甚多而終不

成民亦稍知其意犯者希因此定律也按金玉珠璣均足惑人而金爲尤甚重之以棄市之律所以防奸民而重犯法也

春二月乙卯帝幸雍郊五時

解題曰自文帝誅新垣平後至是始復郊五時按封禪書孝景卽位十六年祠官各以歲時祠如故無有所祈

夏四月梁孝王武薨立其子買爲梁王五月丙戌分

梁地立孝王子明爲濟川王彭離爲濟東王定爲山

卷上

大事記解題

三

退補齋藏板

陽王不識爲濟陰王

解題曰盡封其子所以慰太后之心瓜分其地所以析尾大之勢

定長吏車服之制

解題曰按本紀詔曰夫吏者民之師也車駕衣服宜稱吏六百石以上皆長吏也亡度者或不吏服

出入閭里與民亡異令長吏二千石朱兩轎應劭曰車

耳反出所以爲之藩屏翳塵泥也二千石雙朱其次乃偏其左轎以簾爲之或用革如漚曰轎音反小車兩屏也顏師古曰據許慎李登說轎車之蔽也左氏傳云以藩載樂盈卽是有韞蔽之車也

千石至六百石朱左轎車騎從者不稱其官衣服
下吏出入閭巷亡吏體者二千石上其官屬三輔
舉不如法令者皆上丞相御史請之先是吏多軍
功車服尙輕故爲設禁西漢之俗樂易有餘而節
廉不足觀陳遵過左阿軍之事雖至季世此俗尙
未改也

匈奴入鴈門上郡

解題曰按匈奴傳孝景帝復與匈奴和親通關市
給遺匈奴遣公主如故約終孝景時時小人盜邊

卷十一

大事記解題

三

退補齋
藏板

無大寇然則今年與後二年之寇皆非大人也
以甯成爲中尉

解題曰五峯胡氏曰漢景以鄧都甯成爲中尉以
嚴酷治宗室貴戚人人惴恐夫親親尊尊之道必
選天下有節行賢德之人爲之師傅爲之交遊則
將有大人君子可爲天下用何有憂其犯法耶

城陽共王喜薨

解題曰城陽景王章之子也吳王濞之反發使約
齊菑川膠東濟南濟北皆許諾而曰城陽景王有

義攻諸呂勿與事定分之耳章死雖久忠烈凜然
七國尙不敢污其子以非義孰謂其生而觖望乎

如喜之秉節守職亦克肖其父者也漢書吳王濞傳削去而曰

城陽景王有義攻諸呂勿與事定分之耳十八字

漢孝景皇帝後元年

解題曰不知改元之由當考

春正月詔獄讞不當不爲失

解題曰景帝雖深刻然承文帝之後故恤刑之詔

屢下馬

卷十一

大事記解題

三

退補齋藏板

三月丁巳赦天下賜中二千石諸侯相爵右庶長夏

大酺五日民得酺酒

解題曰以改元而行慶賜也賜中二千石諸侯相

爵如淳所謂雖有尊官未必有高爵故賜之其說

是也苟官高而爵卑一旦去官雖繇役而不免也

謂不更中三年以旱禁酺酒至是除其禁

八月壬辰以御史大夫建陵侯衛綰爲丞相條侯周

亞天下獄死

解題曰按本傳綰代桃侯舍爲丞相朝奏事如職

所奏

顏師古曰言守職而已

然自初宦以至相終無可言帝

以爲敦厚可相少主尊寵之賞賜甚多譙郡張氏曰景帝稱竇嬰沾沾自喜多易不足以任宰相持重乃相衛綰夫自喜多易不足以持重是也而求持重者必如綰則已甚矣綰車戲之賤士也其椎魯庸鈍偶似夫敦厚長者之形耳夫敦厚之士其用之也必有蒙其利者矣豈謂其無是非可否如偶人者哉苟以是爲長者而用之則世之持重者多矣夫惡馬之奔踈也求其無奔踈可也得偶馬

卷十一

大事記解題

三

退補齋藏板

而愛之可乎帝之惡周亞夫也曰此鞅鞅者非少主臣也卒殺之夫天下之情其未見於利害之際者舉不可知而要之易劫以勢者易動以利不輕許人之私者不輕行其私亞夫之不納文帝於細柳與夫不肯侯王信可謂不可以勢劫而無私意矣仗節死義與夫見利而心不動非輕勢而滅私者莫能可以相少主其危難者意非亞夫不可而帝乃反之是徒以剛勁不敬其形若難制而媢上者故殺之而不疑嗚呼景帝者求人於形似而失

之者也昔者高祖求傅如意者而不可得得一周昌能強項面折而高祖遂以趙委之夫昌之不能脫如意於死其勢蓋有所迫而所以任昌者固相危弱之道也嗟夫周昌以此見取而亞夫乃用是不免則景帝之與高祖其觀人也亦異矣

漢孝景皇帝後二年冬十月省徹侯之國

解題曰史記列侯表各書元年蓋漢初封列侯猶

有君國子民之意也

漢書列侯年表但書某年某月封不書元年失其旨矣

故文帝遣列侯就國之詔曰古者諸侯建國千餘

卷十一

大事記解題

雷

退補齋藏板

各守其地今列侯多居長安吏卒給輸費苦而列侯亦無繇教訓其民然則豈徒使之利租稅之入而已哉景帝既不令諸侯王治事故亦省徹侯之國自是之後事權皆在其相所謂侯國者亦與縣邑無異矣

以歲不登禁內史郡不得以粟食馬令徒隸衣七纒

布

解題曰按史記本紀令內史郡不得食馬粟沒入

縣官

是時關中未分二輔皆稱內史郡漢書止書內郡非也所以禁以粟食馬者年荒重穀也

没入縣官者謂令徒隸衣七縷布

索隱曰蓋今七

升布言其麓故

令衣之也正義曰縷八十縷也祖工反

止馬春

正義曰馬碾磴之比也先時用馬令止之

為歲不登禁天下食不造歲

不造歲未詳正義曰造至也禁天下費米

穀恐食不至

此皆自古荒政之遺法與曲禮玉藻歲造七到反

穀梁相出入

曲禮曰歲凶年穀不登君膳不祭肺馬不食穀馳道不除祭事不縣大夫

不食梁士飲酒不樂玉藻曰年不順成君衣布摺本闢梁不租山澤列而不賦土功不興大夫不得

造車馬穀梁曰大祿之禮君食兼味臺榭不塗班弛候廷道不除百官布而不制鬼神禱而不祀班

史止載食馬粟一事餘皆不書

夏五月詔貲筭四得官

卷十一

大事記解題

壹

退補齋藏板

解題曰按本紀詔曰人不患其不知患其為詐也

不患其不勇患其為暴也不患其不富患其無厭

也其唯廉士寡欲易足今訾算十以上乃得官

服虔

曰訾萬錢算百二十七也應劭曰古者疾吏之貪衣食足知榮辱限訾十算乃得為吏十算十萬也

賈人有財不得為吏廉士無訾又不得官故廉士減訾四算得官矣師古曰訾音讀與貲同

算不必眾有市籍不得官無訾又不得官朕甚愍

之訾算四得官亡令廉士失職貪夫長利

租長陵田

解題曰長陵禁耕地必廣景帝職以與貧民使奉

陵邑可也今書曰租長陵田是利其租入而已奉先之意衰矣

漢孝景皇帝後三年春正月詔勸農桑禁采黃金珠玉

解題曰景帝習見漢初重本抑末之意故勸農之

詔屢下焉按本紀詔曰其令郡國務農桑益種樹

可得衣食謂麻葛果樹之屬吏發民若取庸采黃金珠玉

者坐贓為盜章昭曰發民用其民也取庸用其資以顧庸也二千石聽者

與同罪當時官吏求利於此可見

卷十一

大事記解題

美

退補齋藏板

甲寅皇太子冠

解題曰景帝以甲子崩相距纔十日耳蓋武帝方

十六未冠故亟加元服也

甲子帝崩于未央宮

解題曰太史公曰漢興孝文施大德天下懷安至

孝景不復憂異姓而晁錯刻削諸侯遂使七國俱

起合從而西鄉以諸侯大盛而錯為之不以漸也

及主父偃言之而諸侯以弱卒以安安危之機豈

不以謀哉子長之贊如此輕重抑揚之意可見矣

班孟堅乃謂周云成康漢言文景豈有旨哉致胡氏

曰文帝寬厚長者以德化人無事則謙抑如不能
有事則英氣奮發景帝刻薄任數以詐力御下平
居則誅賞肆行緩急則惴懼失措其大致懸絕如
此而又以無寵廢正后而夫婦之義薄無罪廢太
子而父子之恩睽過愛梁王輕許傳位而兄弟之
好不終信讒用閹細申屠嘉戮晁錯殺周亞夫而
君臣之道乖缺其視乃翁益相遠矣獨節儉不妄
費育民以致豐富一事為克遵前業耳臣瓚曰帝
年三十二即位十
六年壽四十六

癸酉葬陽陵

解題曰臣瓚曰自崩及葬凡十日陽陵在長安東

北四十五里

卷十一

大事記解題

三

退補齋藏板

上謚曰孝景皇帝

解題曰用史記文帝紀例書

丙子太子即位

解題曰按史記大事記書正月甲子孝景崩二月

丙子太子立景帝以癸酉葬武帝以丙子立用惠

帝以來既葬即位之典也班氏景紀書甲子帝崩

武紀又書甲子太子即皇帝位是崩之日遽即位

也其誤甚矣蓋武帝享國多歷年所招方士求長

年卹典廢而不講受遺大臣如霍光輩皆不學少

文故武帝以丁卯崩明日戊辰昭帝遽卽位是後

元之繼宣成之繼元哀之繼成皆以葬前正位號

昌邑王平帝卽位於葬後者自古既葬卽位之禮

以來自藩國其至偶緩耳遂廢矣班氏徒習見漢中業以後故事不復知先

王之典制謬誤若此比者非一條也

二月封皇太后同母弟田蚡爲武安侯勝爲周陽侯

解題曰景帝封后弟已非故典武帝又封母之異

父同母弟恩亦濫矣

漢孝武皇帝建元元年

卷十一 大事記解題

三

退補齋藏板

解題曰按封禪書有司言元宜以天瑞命不宜以

一二數一元曰建二元以長星曰光三元以郊得

一角獸曰狩云然則元狩以前年號皆史官追書

也以帝紀考之一元則建元也二元則元光也三元則元朔也四元則元狩也有司獨不言元朔

改元之由者蓋自建元至於元封率六年而改元元光之後久無天瑞故六年而復更始耳朔者始

也言更爲顏師古曰自古帝王未有年號始起於

此

冬十月舉賢良方正之士轅固以老罷歸以董仲舒

爲江都相莊助爲中大夫治申韓蘇張之言者皆罷

之

解題曰按本紀列傳冬十月詔丞相御史列侯中

二千石二千石諸侯相舉賢良方正直言極諫之

士轅固孝景時為博士竇太后好老子書召問固

曰此家人言耳攻異端者必兼知其長短識其受病之原然後可治今固未嘗深考

而徒詆訾之宜其太后怒曰安得司空城旦書乎

起竇太后之怒也乃使固入圈擊斃景帝知太

服虔曰道家以儒法為急比之於律令也乃使固入圈擊斃景帝知太

后怒而固直言無罪乃假固利兵下固刺斃正中

其心斃應手而倒太后默然亡以復罪後景帝以

卷十一

太事記解題

堯

退補齋藏板

固廉直拜為清河太傅疾免武帝初即位復以賢

良徵諸儒多嫉毀曰固老罷歸之時固已九十餘

矣公孫弘亦徵仄目事固固曰公孫子務正學以

言毋曲學以阿世此公孫弘初應賢良事也通鑑載於再應賢良時誤矣董

仲舒少治春秋孝景時為博士下帷講誦弟子傳

以凡次相授業或莫見其面蓋三年不窺園其精

如此武帝即位舉賢良文學之士前後百數而仲

舒以賢良對策焉三策多已載於通釋助會稽吳人郡舉賢

良對策百餘人武帝善助對擢為中大夫是時征

伐四方開置邊郡軍旅數發內改制度屢舉賢良
文學之士公孫弘起徒步數年至丞相開東閣延
賢人與謀議朝覲奏事因言國家便宜上令助等
與大臣辨論中外相應以義理之文大臣數誦建
元三年閩越舉兵圍東甌東甌告急於漢武帝以
問太尉田蚡蚡以爲越人相攻擊常事不足煩中
國也自秦時棄不屬於是助詰蚡曰特患力不能
救聽不能覆誠能何故棄之且秦舉咸陽而棄之
何但越也今小國以窮困來告急天子不振尙安
所愬又何以子萬國乎上曰太尉不足與計事吾
新卽位不欲出虎符發兵郡國乃遣助以節發兵
會稽會稽守欲距法不爲發助乃斬一司馬諭意
指遂發兵浮海救東甌未至閩越引兵罷

春二月赦天下

解題曰卽位之初爲改元而赦也

行三銖錢

解題曰按食貨志半兩錢法重四銖而姦或盜摩
錢質而取鎔令縣官銷半兩錢更鑄三銖重如其

卷十一

大事記解題

甲

退補齋
藏板

文盜鑄諸金錢罪皆死

夏四月詔民年九十以上復子若孫令供養

解題曰此孝武踐阼之始養老之大政也按本紀

詔曰古之立教鄉里以齒朝廷以爵扶世導民莫

善於德然則於鄉里先耆艾奉高年古之道也今

天下孝子順孫願自竭盡以承其親外迫公事內

乏資財是以孝心闕焉朕甚哀之民年九十以上

已有受鬻法顏師古曰給米粟以爲糜鬻爲復子若孫令得身

帥妻妾遂其供養之事顏師古曰若者豫及之辭也有子即復子無子即復

卷十一

大事記解題

五

退補齋藏板

孫也遂申也復方目反

五月詔脩山川祠

解題曰此武帝禱祠之始也按本紀詔曰河海潤

千里其令祠官脩山川之祠爲歲事曲加禮

六月丞相衛綰免丙寅以魏其侯竇嬰爲丞相武安

侯田蚡爲太尉趙綰爲御史大夫王臧爲郎中令

解題曰按史記列傳武安侯田蚡者孝景后同母

弟也生長陵魏其已爲大將軍後方盛蚡爲諸郎

未貴往來侍酒魏其跪起如子姪及孝景晚節蚡

益貴幸爲太中大夫孝景崩卽曰太子立稱制所
鎮撫多有田蚡賓客計策蚡弟田勝皆以太后弟
孝景後三年封蚡爲武安侯勝爲周陽侯武安侯
新欲用事爲相卑下賓客進名士家居者貴之欲
以傾魏其諸將相建元元年丞相綰病免上議置
丞相太尉籍福說武安侯曰魏其貴久矣天下士
素歸之今將軍初興未如魏其卽上以將軍爲丞
相必讓魏其魏其爲丞相將軍必爲太尉太尉丞
相尊等耳又有讓賢名武安乃微言太后風上於

卷十一

大事記解題

三

退補齋
藏板

是乃以魏其侯爲丞相武安侯爲太尉籍福賀魏
其侯因弔曰君侯資性喜善疾惡方今善人譽君
侯故至丞相然君侯且疾惡惡人眾亦且毀君侯
君侯能兼容則幸夙不能今以毀去矣魏其不聽
魏其武安俱好儒術推轂趙綰爲御史大夫王臧
爲郎中令

王臧事景帝爲太子少傅免去武帝初
卽位臧乃上書宿衛上累遷三歲中爲

郎中
令

秋七月詔省衛士萬人罷苑馬以賜貧民

解題曰按漢書詔曰衛士轉置送迎二萬人

衛士
守宮

闕者其數本無二萬併數轉
置送迎者乃有二萬人耳
賜貧民顏師古曰養馬之苑舊禁百姓不得芻牧采樵今罷之
其省萬人罷苑馬以

徵魯申公議立明堂帝問以政事對曰爲治者不在多言顧力行如何耳

解題曰申公在漢初諸儒中進退出入蓋多可議然其對武帝簡實要切一言而盡帝終身之病彼陸沈巖谷不爲時用者其所存殆未可量度也按儒林傳王臧趙綰皆受詩於申公綰臧請天子欲立明堂以朝諸侯不能就其事乃言師申公於是天子使使束帛加璧安車駟馬迎申公弟子二人乘軺傳從

又徵枚乘道死

解題曰按列傳乘游梁梁客皆善屬辭賦乘尤高武帝自爲太子聞乘名及卽位乘年老乃以安車蒲輪徵乘道死詔問乘子無能爲父者後乃得其孽子皋觀徵枚生之意宜申公落落難合也

內史甯成抵罪髡鉗

解題曰按賈誼傳誼上疏帝深納其言養臣下有

卷十一

大事記解題

聖

退補齋藏板

節是後大臣有罪皆自殺不受刑至武帝時稍復

入獄自甯成始按本傳武帝即位徙為內史外戚多毀成之短抵罪髡鉗是時九卿

死即死少被刑而成刑極自以為不復收乃解脫詐刻傳出關歸家賞貸陂田千餘頃假貧民役使

數千家數年會赦致產數千萬為任俠持吏長短出從數十騎其使民威重於郡守

漢孝武皇帝建元二年冬十月淮南王安來朝

解題曰按本傳淮南王安為人好讀書鼓琴不喜

弋獵狗馬馳騁亦欲以行陰德拊循百姓流譽天

下時時怨望厲王死時欲畔逆未有因也使安真能讀聖

人之書玩公用享於天子之交必不敢行陰德流譽天下思率德改行之訓必不敢怨望時欲叛逆

卷十一

大事記解題

器

退補齋藏板

今所為若是則所好者異端邪說而已王鳳拒東平王求書之辭曰五經聖人所制萬事靡不畢載王審樂道傳相皆儒者旦夕講誦足以正身處意夫小辨破義小道不通致遠恐泥皆不足以留意諸益於經術者不愛於王蓋懲艾乎此也然不能迪其心而徒禁其書寧能使必終不見耶及

建元二年淮南王入朝素善武安侯武安侯時為

太尉乃逆王霸上與王語曰方今上無太子大王

親高皇帝孫行仁義天下莫不聞即官車一日晏

駕非大王當誰立者武帝方少壯田蚡以至親本兵柄見諸侯之有虛譽者遠

有他心然則王者之待親戚不教之以義徒厚淮之以恩無益也九經尊賢在親親之先有以哉

南王大喜厚遺武安侯金財物陰結賓客拊循百

姓爲畔逆事

田蚡尚可結其餘誰不可結哉此所以益增其逆謀也

御史大夫趙綰郎中令王臧下獄死丞相竇嬰太尉田蚡免以石建爲郎中令弟慶爲內史

解題曰按史記列傳魏其武安侯好儒術推轂趙

綰爲御史大夫王臧爲郎中令迎魯申公欲設明

堂令列侯就國除關以禮爲服制以興太平

此四者當

時所謂興太平之規模也

舉適諸竇宗室無節行者除其屬籍

時諸外家爲列侯列侯多尙公主皆不欲就國以

故毀曰至竇太后

此二者所以敗也使當時不急於貴戚則明堂可成關可除服

卷十一

大事記解題

罢

退補齋藏板

制可講矣然於天下亦未有大損益也

太后好黃老之言而魏其武

安趙綰王臧等推尙儒術貶道家言是以竇太后

滋不悅魏其等及建元二年御史大夫趙綰請無

奏事東宮

韋昭曰欲奪其權也

竇太后大怒得趙綰王臧之

過以讓上上因廢明堂事盡下趙綰王臧吏皆自

殺而免丞相太尉申公亦疾免以歸

此非武帝意也故竇太后

既崩儒生復用焉

萬石君家以孝謹聞于郡國雖齊魯諸

儒質行皆自以爲不及也王臧以文學獲罪竇太

后以爲儒者文多質少今萬石君家不言而躬行

乃以長子建爲郎中令慶爲齊相齊國皆慕其家
行不言而齊國大治爲立石相祠申公旣爲楚王
戊胥靡歸魯退居家教不出絕賓客可謂深自懲
艾矣獨以詩經爲訓疑者則闕不傳可謂有古經
師之模範矣彼趙綰王臧雖嘗北面稱弟子觀其
請毋奏事東宮觸竇太后之怒遂以姦利見誅輕
淺浮僞一至於是在門時豈無可見者乎爲申
公者聞其進用盍以辱吾道爲憂可也今反依藉
之以興禮樂一舉而有三失焉樂其意嚮之美而

卷十一

大事記解題

哭

退補齋
藏板

不深考其實一也眩於名位而忘其人之素二也
黽勉庶幾行志而不守初見武帝之正對三也得
非自反尙未深格局尙未進志雖及之而力尙未
足以守之耶此儒者之大戒也厭空言者必尊實
行縮臧旣敗之後石建兄弟遂以孝謹並用事勢
相激無足怪者雖然吾竊有感焉陰長則陽消小
人進則君子退至於孝謹之人本非儒者之敵乃
良資美質教所當先施者也儒者旣無實行非特
不足以啓迪之反使世俗崇獎之以爲訕薄儒者

之具苟儒者自名以爲君子而指彼爲小人可不

可耶

初置茂陵邑

解題曰應劭曰武帝自作陵也顏師古曰黃圖云

本槐里之茂鄉也地理志屬右扶風

漢孝武皇帝建元三年冬十月代王登長沙王發中

山王勝濟川王明來朝

解題曰按列傳武帝初卽位大臣懲吳楚七國行

事議者多怨晁錯之策皆以諸侯連城數十秦強

卷十一

大事記解題

罷

退補齋藏板

欲稍侵削數奏暴其過惡

此漢廷臣所見也

諸侯王自以

骨肉至親先帝所以廣封連城犬牙相錯者爲磐

石宗也今或無罪爲臣下所侵辱有司吹毛求疵

管服其臣使證其君多自以侵冤

此諸侯所懷也

建元二

年代王登長沙王發中山王勝濟川王明來朝天

子置酒勝聞樂聲而泣問其故勝對曰臣聞悲者

不可爲索歛思者不可爲歎息故高漸離擊筑易

水之上荆軻爲之低回不食雍門子壹微吟孟嘗

君爲之於邑今臣心結日久每聞幼眇之聲不知

涕泣之橫集也夫眾煦漂山聚蟲成雷朋黨執虎
十夫橈椎是以文王拘於羑里孔子阨於陳蔡此
乃烝庶之成風增積之生害也臣身遠與寡莫爲
之先眾口鑠金積毀銷骨叢輕折軸羽翮飛肉紛
驚逢羅潛然出涕臣聞白日曬光幽隱皆照明月
曜夜蟲蠹宵見然雲烝列布杳冥晝昏塵埃覆昧
不見泰山何則物有蔽之也今臣雍閔不得聞讒
言之徒蠹生道遼路遠曾莫爲臣聞臣竊自悲也
臣聞社駭不灌屋鼠不熏旬則所託者然也臣雖
薄也得蒙肺腑位雖卑也得爲東藩屬又稱兄今
羣臣非有葭莩之親鴻毛之重羣居黨議朋友相
爲使夫宗室擯卻骨肉冰釋斯伯奇所以流離比
干所以橫分也詩云我心憂傷惄焉如擣假寐永
歎唯憂用老心之憂矣疾如疾首臣之謂也具以
吏所侵聞於是上乃厚諸侯之禮省有司所奏諸
侯事加親親之恩焉

上始爲微行

解題曰武帝微行夜漏下十刻乃出常稱平陽侯

卷十一

大事記解題

哭

退補齋
藏板

旦明入山下騎射鹿豕狐兔手格熊羆馳騫田稼
稻稔之地民皆號呼罵詈相聚會自言鄠杜令令
往欲謁平陽侯諸騎欲擊鞭之令大怒使吏呵止
諸獵者數騎見留乃示以乘輿物久之乃得去時
夜出夕還後齋五日糧會朝長信宮上大驩樂之
是後南山下乃知微行數出也然尙迫於太后未
敢遠出丞相御史知指乃使右輔都尉徼循長楊
以東右內史發小民共待會所後乃私置更衣從
宣曲以南十二所中休更衣投宿諸宮長楊五柞

卷十一

大事記解題

完

退補齋藏板

倍陽宣曲尤幸於是上以爲道遠勞苦又爲百姓
所患乃使太中大夫吾邱壽王與待詔能用算者
二人舉籍阿城以南顏師古曰舉計其數而爲簿籍也阿城本秦阿房宮也以
其墻壁崇廣故俗呼爲阿城蓋屋以東宜春以西提封頃畝及

其賈直欲除以爲上林苑屬之南山又詔中尉左
右內史表屬縣草田欲以償鄠杜之民

是時未分三輔關中

諸縣分屬中尉左右內史也按地理志建元六年分內史爲左右內史然則起上林苑或在六年之後與得蓋終言之也吾邱壽王奏事上大悅稱善時東方朔

在傍進諫曰臣聞謙遜靜懿天表之應應之以福

驕溢靡麗天表之應應之以異今陛下累卽臺恐其不高也顏師古曰卽堂下屋弋獵之處恐其不廣也如天

不為變則三輔之地盡可以為苑何必蓋屋郭杜乎奢侈越制天為之變上林雖小臣尚以為大也

夫殷作九市之宮而諸侯畔靈王起章華之臺而楚民散顏師古曰章華臺在華容城也秦興阿房之殿而天下亂

糞土愚臣忘生觸死逆盛意犯隆指罪當萬死不勝大願願陳泰階六符孟康曰泰階三台也每台一星凡六星符六星之符

驗也應劭曰黃帝泰階六符經曰泰階者天之三階也上階為天子中階為諸侯公卿大夫下階為

卷十一

大事記解題

卒

退補齋藏板

士庶人上階上星為男主下星為女主中階上星為諸侯三公下星為卿大夫下階上星為元士下星為庶人三階平則陰陽和風雨時而社稷神祇咸獲其宜天下大安是為太平三階不平則百神乏祀日有食之水澗不浸稼穡不成冬雷夏霜百姓不寧故治道傾天子行暴令興甲兵修宮榭廣花園則上階為之奄奄疏闊也以觀天變不可不省是日因奏泰階之事上乃拜朔為太中大夫給事中然遂起上林苑如壽王所奏云

漢孝武皇帝建元四年南越王趙佗死其孫胡立為

南越王

解題曰按史記列傳佗建元四年卒佗孫胡立為

越王皇甫謐曰時漢興七十年佗蓋百歲矣

漢孝武皇帝建元五年置五經博士

解題曰按趙岐孟子題辭孝文皇帝欲廣遊學之路論語孝經孟子爾雅皆置博士後罷傳記博士獨立五經而已訖今諸經通義得引孟子以明事謂之博文謂課試者也以此言考之孝文尙置傳記博

士安有獨遺五經之理本紀是歲書置五經博士者非始置也卽岐所謂獨立五經罷傳記博士之時也然爾雅專載訓詁治經者所當通習故不必

卷十一

大事記解題

五

退補齋藏板

專置博士至於論語孝經孟子於學者最爲切要孝文立之當矣武帝有感於董仲舒之言奮然旣黜百家而不深考其實遂使三書下同傳記之列豈不過甚矣哉

